


3



Գ Մ Ա Ե Կ Ս

Ռ Ա Ֆ Ա Է Լ Ջ Ա Ր Դ Ա Ր Ե Ա Ն

891.99  
Զ-36




19 NOV 2011

891.99  
9-36




ՀԱՅԱՍՏԱՆԻ ԳՐԱԴԱՐԱՆ

ԴԱՅԱԷԼ ԶԱՐԴԱՐԵԱՆ



1 8 404 3011

Այն աստղին համար՝  
Որ ինձ հետ պիտի սահի՝  
Անհունի մէջէն ...



12.04.2013

29030



23823.89

10805

■ | Էպի | - | Եգ | ■

Ինչպէս ծաղիկները կը հառաչեն բուրմունքով  
Ինչպէս շոգիները կը բարձրանան տարփանքով  
Իմ հոգին նետուած է դէպի Գե'գ :

Դու տրոփո՞ւն Աստղիկ .

Ես երկնակապոյտին մոռցւած ամպիկ՝  
հողմավար ու մուլար՝ կը սուրա՛մ :

Ո՞ւր կը յանգի իմ ուղին գիշերին , ան-  
սահմանի ո՞ր սահմանին կը փշրի իմ մարմինն  
ապիտակ :

Դու բարի՛ Լուսին .

Ես լեռնալանջի անծանօթ լնակ՝ վնիտ  
ջուրերուս՝ նետէ մագե՛րդ խարտեաշ .

Վաղը՝ փոթօրիկները կը փրթին , հեղեղնե-  
րը կը թաւալին , ալիքներս կը տանի՛ն :

Դու անհո՞ւն Արեւ .

Ես վտիտ շի՛ւղ ագագուն՝ կուսական ան-  
տառներուդ խորունկն՝ քեզի՛ կանրջեմ .

Այրո՛ղ շուրթերով , լոյսէ՛ շուրթերով  
համբուրէ՛ ինձ . տո՛ւր ինձ մի ակնթարթ՝  
ապրի՛մ , զգա՛մ , երագե՛մ :

### III

Ծմակներէն , գոռգոռալէն , առունե՛րն են  
կը վագեն . սեպ ժայռերուն հարածելով խեն-  
թօրէն՝ կը վագե՛ն .

Բայց այն առուն որ իմ պարտէզը կուգա ,  
այն կարկաշուն կապոյտ առուն որ ծառերուն  
ջուր կուտա՝

Օրհնա՛ծ լինի :

Մքագնած , կուտակւած ամպերու երկին-  
քէն՝ արշալոյսը ոսկի ափով լոյս չի բաշխեր .

Բայց ծաղիկներուն արտասուալի աչերուն՝  
երբ կապոյտէն վար , արեգակը վառ , ի բիրե-  
ղէն արգասաբեր համբոյրները հեղեղէ՝

Օրհնա՛ծ լինի :

Անցորդները կանցնին մտազբաղ ու մտա-  
ցիր . այգիիս բովէն , փոշոտ մամբաէն , ան-  
ցորդները կանցնին .

Բայց անձանօք անցորդը որ պարտէզիս  
դուռը բախէ , ու ափ մը ջուր , մի փունջ ծա-  
ղիկ , կամ ծառերու շուքերուն տակ քիչ հան-  
գիստ խնդրէ՝

Օրհնա՛ծ լինի :

IV

Գարո՛ւն , գարո՛ւն , գարո՛ւն :

Գլուխս կիյնա ծաղիկներուն ու երազանքն  
իր քեւերուն՝ ինձ կը տանի՛ :

Կանաչագեղ հորիզոններն համբուրող սա  
կապոյտը փողփողանալուն , ամպերու սա ցար-  
ցնուած դողդոջ գնացքը դէպի հեռու անծանօթ-  
ներն անըջական :

Յաւերժական վտակները գլգլան՝ ուռի-  
ներու սուերափակ խորունկէն , գգւանքը մեղ-  
մաշունչ հովերուն , սօսաւիւնը երիտասարդ  
նիւղերուն , քոիչքը փոքրիկ քեւերու՝ երկնա-  
կապոյտի մաքո՛ւր կամարէն :

Սարսուռը՝ որ կը քրքրա ծաւի անհուննե-  
րէն վար ու արեգակի հրաշողերէն , որ կը  
բարձրանա պուրակներէն , ծմակներէն , ծաղիկ-  
ներու շուրթերէն :

Տարփանքը՝ որ կը քափի լիառատ գգւան-  
քով , հուր համբոյրներով , որ կը ցանկ արբե-  
ցումը ինքնամոռաց՝ հողին ու ջուրին , փարին ,  
կանաչին :

Ո՛չ կանչ , ո՛չ մրմունջ , քո՛ղ ծաղիկներուն  
իյնա գլուխս ու երազանքն իր քեւերուն՝ ինձ  
տանի՛ :

Ինչպէ՛ս ըսել , ինչո՞ւ երգել , երբ լիհնչիւն  
ու դաշնաձայն , փողփողանալուն ու անդորր ,  
մայր բնութիւնը կերգէ՛ :

Երբ նիչերէն , քրքիռներէն , կարկաչնե-  
րէն , կանաչներէն , լոյսերէն , բոյրերէն՝ կը  
բարձրանա լիարո՛ւն , համայնատա՛ր , յոր-  
դահու՛

Գարո՛ւն , գարո՛ւն , գարո՛ւն :

V

Դու հոգիս լոյսերո՛վ , բոյրերո՛վ , հուրե-  
րո՛վ կը լեցնես . դու հոգիս անուրջներու ,  
քոփչներու , անհուններու սափորէդ՝ կողողե՛ս :

Ես կը բարձրանամ՝ սի՛րտս անսահմանիդ ,  
ես կը բանամ շուրթերս ու շուրթերէս կը պոռ-  
կա սի՛րտս . եւ գմայլումս՝ անծի՛ր , եւ յու-  
գումս՝ անպարփա՛կ ...

Բայց դու ինձ չես ըսած երգելուն կերպը ,  
չես պարգեւած վսեմ պարգեւդ աստածային .  
ես կը լսեմ ինձ որ աններդաշն ու անիմաստ՝ կը  
պռտա՛մ :

VI

Դուրս կուգամ տնակէս հերարձակ , արբե-  
ցած , աչքերս երկնփին՝ կը փայեմ ... Դու կու-  
գաս ինձ , կը վերցնես թեւերուդ՝ կը տանի՛ս ...

Այ ինչպէ՞ս ըսեմ քո սահմաններն անսահ-  
ման , ինչպէ՞ս պատմեմ գեղեցկութիւնդ ան-  
պատմելի , ինչպէ՞ս կոչեմ Անունդ :

Արցունքներս , արցունքներս միայն , ար-  
ցունքներս փողոցներէն կը ծորին :

Դու այս շնորհա՛ծ ես ինծի :

Ու ես , անդադար , կ'օրհներգե՛մ քեզի :

## VII

### *Անտեսանելի ուրբա՞ն մահեր կան*

Դու՛ այն աշխարհի քաղցր բնակիչ, հորի-  
զոններու այն կապոյտ երգիչ՝ որին արցունք-  
ներս կը գոհաբերեմ:

Ես՛ նակատագրէն անգուք՝ օտար մի աստ-  
ղի ափին արթնցած՝ կանրջե՛մ միայն, իշխա-  
նուհի՛դ իմ:

Առաւօտը քաղցրօրէն կը բացւի՛ բաց-  
ւող նայւածքս համբուրելէն. կապոյտ լոյսերդ  
ստատօրէն նե՛րս կը պոռքկան լուսամուտէս:

Բայց սենեակս խաւար է եւ մռայլ. այս  
երկիրը անշրջափակ դարի՛րն է մահաշունչ,  
իշխանուհի՛դ իմ:

Դու՛ առունքու լուսացայտ կարկաչ, դու  
աւմատչելի քարաններու կանչ. ո՞ւր կը թռ-  
չի խենթ դայալով սա թռչնիկը մոլորուն,  
կախարդական անբջանֆէդ՝ արբեցա՛ծ:

Ես՛ այստեղի քամիներէն ցրտահար, քու  
զաշտերէն նախկին ծաղիկ տծգոյն՝ թարթիչ-  
ներս կարօտանալով կը ծալւի՛ն, իշխանուհի՛դ  
իմ:

Երեկոն մեղմօրէն կը մարի՛ մարող նայ-  
ւածքս համբուրելէն. նո՛ր ծաղիկներ պիտի  
ծաղկին վազւան ծագող լոյսերուն հետ. ես կը  
փակեմ փեղկերը լուսամուտիս:

Յանկարծօրէն դո՛ւսս բախէ եւ մահացող  
սիրահարիդ նւիրական, իր տրտմագին գերեզ-  
մանին նւէր՝ գարուններէդ ծաղի՛կ մը բեր,  
իշխանուհի՛դ իմ:



VIII

Իմ ֆնֆն՝ւշ, իմ ֆնֆն՝ւշ  
Գարնունն է այս որ կը ծաղկի  
Գարնան արե՞ւն է որ կապոյտէն կը ծորի  
Ո՞վ է գաղտուկ կը մըմնջէ հոգիէս ներս  
. . . . .

Ահա դո՛ւ, իմ չֆնա՛դ, իմ խարտեա՛շ, ահա՛ դու  
Յուզած այտերով, երկչոտ աչերով, իմ անմա՛հը դու  
Դո՞ւն էիր, ըսէ՛ ինձ, ծաղիկներէն ու շողերէն  
Ըսէ՛ ինչո՞ւ կը քագնիս, ինչո՞ւ կը փնտռես ինձ  
Ինչո՛ւ այնքան անո՛ւշ կ'երգես դու  
. . . . .

Ո՞վ է որ տերեւներուն սարսուռը գողնա  
Ջուրերու անուրջէ լոուքիւնն ալիքէ  
Կուրծֆիս վրա ո՞վ է որ տրամուքիւն կուլա  
Իմ ֆնֆն՝ւշ, իմ ֆնֆն՝ւշ, ի՞նչ կուզես ինձմէ  
Ի՞նչ կուզես ինձմէ  
. . . . .



Ներէ՛, ներէ՛ իմ դակուքեան, որ դռանդ  
առաջ լուռօրէն կը փքքի:

Ներէ՛ իմ քայլերուն՝ որ կը մեկնին հեռու,  
քայց լուսամուտիդ կը հասնին:

Իմ սէր, ես արեգակին հետ կը բարձրանամ  
ու կը թաւալիմ դէպի տնակդ՝

Շողե՛րդ խնդրելու իմ կուրծքի ճմեռին:

Ես գիշերային աստղերուն հետ կը մեկնիմ  
ու կանապարեմ ... դէպի տնակդ՝

Անսահման լեցնելու քու աստղերովը:

Ներէ՛, ներէ՛ երկնքի աստղերուն:

Ներէ՛ իմ անսահման մերկութեան:

Մի հարցներ թէ ինչու, ինչու ես քեզի  
եկա. թէ ինչու աչքերս լեցուն են ու ձեւերս  
օրօրուն:

Վեր առ թարթիչներդ երկնքին՝ տես գա-  
րո՛ւնը, գարո՛ւնն է կուգա:

Լռյաւերը կը վազեն, լռյաւերը կերգեն, ճիւ-  
ղերն ուրախ սրտով՝ պիտի բացւի՛ն կարծես:

Կարծես առաջին ճառագիւնը լսեցի...

Մի նայիր այդպէս հարցական աչքերուս.  
Վեր առ թարթիչներդ երկնքին՝ տես գարո՛ւնը,  
գարունն իսկ չկրցաւ իրեն պահել:

Ըսէ, իմ սիրտը կրնա՞ր իր ճիշը պահել:

## XI

Ինչո՞ւ տխուր է իմ սէրը .

Ահա՛ ինչու մտա պարտեգոյ՝ երբ դու մանիշակներ կը ֆաղէիր ածուէն :

Իմ սէ՛ր, քոյլ տուր աչքերուս՝ արշալոյսէ շղարշներէդ շլանան եւ ձեռներուս՝ ծաղկաբեռ ձեռներուդ հպին :

Ես մեկնեցա ոչ դէպի շղարշներդ արշալոյսէ, ոչ ալ մանիշակներուդ բոյբին :

Ես կը մտածէի միայն .

Ինչո՞ւ այնքան տխուր է իմ ֆեգ նւիրած սէրը :

Ահա՛ ինչու գարկի պարտեգիդ դռնակը :

## XII

Մի անգամ, երբ ես ֆեգմէ կը մեկնէի, ինձ հարցուցին ֆանապարհին .

— Սրտիդ քաղումէ՞ն կը վերադառնաս :

Ոչ, ոչ, անժանօք իմ բարեկամներ, իմ սիրտը դեռ նոր ծնաւ եւ նա այնպէս տարօրինակ է ու այնպէս հրաշալի՛ :

— Դու կը ֆալես այնպէս՝ ըսես տիեզերք մը փշրած լինի ետիդ եւ առաջդ խաւարն անեգրանա :

Իմ ետեւ դեռ նո՛ր սկսաւ մի տիեզերք, անժանօք իմ բարեկամներ, եւ առաջս խաւարն է՝

Որովհետեւ արեւներս իմ տիեզերքին նւիրեցի :

— Ուրեմն, ինչո՞ւ տրտում է նւիրողը :

Մայր, մի՛ նեղանար, այս առաւօտ չը պիտի լւացւիմ ես :

Աղբիւրի սառնէն չէ, ոչ ալ այտերուս թարմէն կը խուսափիմ :

Մայր, չե՛մ ուզեր աչքերս լւալ :

Գիտե՞ս, գիշերը երբ կը նիրհէիր, մայր, քո սենեակի անդարրին մէջ,

իմ սիրածը, իմ այս կոտրած լուսամուտէն, աստղաթել թռչունին պէս, եկաւ,

Երագս չէ՛ այս, գիտե՞ս :

Իմ սիրածը եկաւ տա՛մ շուրթերով, տա՛մ շուրթերով աչքերս համբուրե՛ց, համբուրե՛ց :

Դու մի նեղանար .

Ես այս առաւօտ չպիտի՛ լւացւիմ, մայր :

Մայր գիտե՞ս ինչպէս է իմ սիրածը :

Շատ խոշոր աչքեր չունի նա, ոչ ալ շատ փոքրիկ ձեռներ :

Նման չէ իմ սիրածը ոչ խոհուններուն, ոչ արձակներուն, ոչ շփեղներուն :

Նա պսակ չունի մազերուն շուրջ, չունի լապտեր՝ խաւարի մէջէն քալած ժամանակ :

Նման չէ իմ սիրածը ոչ ծովի փոթորկումներուն, ոչ արեւի հրակէզ շողերուն :

Իմ սիրա՛ծը ...

Մայր, ինչպէ՞ս էր հէֆեաթը այն սպիտակ ծաղիկին, որ իր թերթերուն մէջ իբրեւ սիրտ՝ ա՛ստղ մը կը կրէր ...

Մի՛, մի յիշեցներ իմ մեկնումը ինձ :  
 Հրածեշտի համբոյրդ կա՛նգ թող առնէ  
 շուրթերուս՝  
 Մինչեւ արշալոյսը վերջալո՛յս դառնա,  
 նորէ՛ն դառնա, նորէ՛ն դառնա ...  
 Մինչեւ՝  
 Վերջին արեւին վերջին ցոլքը՝ վերջին  
 վարդիդ թերթին վրա՝  
 Փշրի՛ :

Արձակեմ հիմա նաակը :  
 Գլուխս դնեմ ծունգերուդ ու երթանք քեզ  
 հետ զարթ փե՛րը մտացումի ...  
 Իմ սե՛ր, ես կանցնիմ մարդերու մէջէն, կը  
 տեսնեմ որ անգիտակ եմ անոնք ու անոնց ան-  
 գիտակ ժպիտներէն՝ թախիծ կը ծորի կուրծ-  
 քիս :  
 Ես կուգամ երկնքի առաւօտներուն եւ  
 դաշտե՛րը դէպի ու դաշտային ծաղիկներն իրենց  
 նրբաթեւ բաժակներէն՝ վի՛շտ կը բուրեն :  
 Ես կուգամ երկնքի առաւօտներուն եւ աս-  
 աստեղագարդ գիշերներու տակէն. բայց հրա-  
 գունդը չը փարատեր մշուշը թախիծիս ու գի-  
 շերային աստղերու երգը՝ իմ վշտին ար-  
 ձագա՛նքն է միայն :  
 Արձակե՛մ հիմա նաակը :

Մո՛վը, ոժ՛վը, ծո՛վը :

Մովը անեգերֆ, ծովը անյատակ, ծովը  
սանձարձակ :

Մոռացումի գարթ արիերը՝ պատրանֆեն՝ը  
յոյսի :

Իմ սէ՛ր, փուի՛ր նաւակիս, դնեմ գլուխս  
ծունգերուդ .

Մեկնինֆ ֆեգ հետ դէպի արիերը պատրան-  
ֆի :

Մի յիշեցներ վերադարձը ինձ :

Թոյլ տուր բանամ սիրոյ առագաստները՝  
արիֆներուն ու հովերուն .

Վերջին հրածե՛շտ տուր ծաղիկներուդ :

Ըսէ՛

Երբ արիֆներն են մեր շուրջ ու մեր աշ-  
խարհը՝ կապո՛յտը միայն .

Երբ անփոյթ թեւերով նայերը կը թաղին  
կռիակներուն ու սպիտակ ձեռներդ՝ մագերուս  
գիշերին .

Երբ աստղերը միայն կը նային աչքերուդ  
ու աչքերուս միայն կը նայիս՝ դու ֆեգ տեսնե-  
լու .

Երբ համբոյրդ ահա անհուն ծաղիկին պէս  
կը բռնկի՛ համբոյրէս .

Ըսէ՛

Ինչո՞ւ արցունֆ կա թարթիչներուս .  
Ո՛վ նետեց այս թախիծն հոգիիս :



Քունօրէ՛ն, վայրենօրէ՛ն, անվերջօրէ՛ն սիրել կուգեմ ես

Փաթաթւի՛լ ծունգերուդ դողդոջուն ձեռներով

Տրոփուն կուրծքով զգալ հայեացքն աչերուդ

Զգալ անհանդարտ շունչդ՝ խորունկն մէջ լուրբեան

Եւ յետոյ՝

Սնսանձօրէ՛ն, խենթօրէ՛ն գրկել քեզ

Թաղել ոսկեղէն գուլտդ կուրծքիս

Մագերդ, այտերդ, շուրթերդ, համբուրե՛լ, համբուրե՛լ

Նորէն ծնրադրել յոգնած տժգունած պատկերիդ առաջ  
Նորէն գրկել ծունգերդ

Ու արտասուել ու սիրել, գուրգուրալ ու հեկեկալ

Քունօրէ՛ն, վայրենօրէ՛ն, անվերջօրէ՛ն

Կակաչներ՝ս, կակաչներ՝ս  
 Առաւօտուն, արտերուն մէջ ոսկեծփուն  
 Քոնկեցան՝  
 Կակաչներ հի՛ր, կակաչներ հո՛ւր,  
 Արեւարո՛յր կակաչներ .  
 Դուռս բացի՛  
 Ու վագեցի՛  
 Շողիկներ լո՛ւտ արբած էին վառ շուրթերէ ...  
 ժպտացի՛  
 Տարածեցի թեւերս , ծաղիկներս գրկեցի՛  
 Ու մանկացած ու շարած, տա՛ք շուրթերով՝  
 Կակաչներս սիրածփո՛ւն  
 Կակաչներս հրացնծո՛ւն  
 Համբուրեցի՛, համբուրեցի՛ :

— Թիթեռ, ոսկի՛ թիթեռ, ո՞ւր կը թռչիս ...

— Ակնթարթները կանցնին, բոպէները կանցնին, կանցնին ժամերը ... ու արշալոյսին՝ առաջին ոսկէ շողիկը գո՛ւր կորոնէ ինձ . ես , մանիշակի ցոյունին տակ՝ աչիկներս կը ծածկեմ ...

— Թիթեռ, թոյ չանցնին պահերը, ժամերը թոյ կանգնին, դու որքա՛ն նման ես իմ խարտեաշ բարեկամին ... մի՛ ծածկեր, արշալոյսին աչիկներդ մի՛ ծածկեր թիթեռնի՛կ, թիթեռնի՛կ ...

Թերեւս մտերմութիւնդ բաղձացին, թերեւս չարութիւններդ .  
Թերեւս բաղձացին աչերուդ նման ծաղիկի՛ն անմեղ .

Ու թերեւս քո երջանկութեան մասին մըմնջեցին :

Բայց ես հպա ականջիդ եւ ըսի .

— Կուգէի որ մեռնիս դու :

Զարմացած աչքերուս նայեցար, գունատեցար, փախչեցա՛ր :

Վերադարձիդ՝ վայրի մեխակներ ունէիր ձեռիդ .

Մօտեցար գլխահակ եւ տրտում, ի՛նձ պարզեցիր .

Ինչպէ՞ս ընդունէի քո ծաղիկները :

Ինչպէ՛ս մերժէի քո ծաղիկները :

Ես քեզ գուլպաներովդ սիրեցի .

Ականջէդ իսկ չպիտի ըսեմ այս . գիտեմ ,  
ամօք է այսպիսի բան խօսիլը :

Բայց երբ տեսա սրունքներդ, հնադարեան  
հրաշալի սափորներու այնքան նման, թափան-  
ցիկ մետաքսէ գուլպաներուն տակ թագնւած՝

Ես ինչպէ՛ս ուզեցի դողդոջուն շուրթերս  
բերել եւ այդ սափորներու հնադարեան փըր-  
փուրներէն՝ գոնէ մի անգամ, մի ումպ . . .

Զէ՛ . այս մասին ես իսկ ալ չպիտի խորհիմ :  
Գիտեմ, ամօք է այսպիսի բան խօսիլը :

XXIV

— Մի՛ արա, մի՛ արա, մի՛ արա ...

Ու բոլոր աղաչանքիդ հակառակ, բարձրացուցի՛ր քեզ քեւերուս եւ աստղերուն տակէն տարի՛

Մինչեւ ազրի՛ւրը կախարդ :

Այն ատեն, ձեռներդ իրար միացուցած , ջո՛ւր տւիր ինձ ստերներուն մօտ եւ թոյլ տւիր որ շուրթերս ծարաւի՛

Ջուրին մէջէն հպին մինչե՛ւ ավերդ :

XXV

Երեկոյ, ցայգալոյս, խորհուրդ ...

Երբ շուրթերդ յանկարծ ինկա՛ն շուրթերուս :  
Ճչացի՛ ես՝

Ու հեծկլտալով կը փախչի՛մ ես :

XXVI

Ինչո՞ւ գարկիր արտայտին :  
Նա կը սիրէր իր կապոյտը եւ իր կանաչն անտառին :  
Նա կը սիրէր իր երազը պահուած՝ հեռո՞ւն, հեռո՞ւն...  
Ինչո՞ւ սպաննեցիր այս փռփռիկ երազը :

XXVII

XXVII

Լինենք մանուկ ու սիրենք իրար :  
Լուսնի լոյսերն են արտերուն մէջ անծայրածիր :  
Անծայրածիր արտերուն մէջ որաները կազօ քե՛ն :  
Լինենք մանուկ ու սիրենք իրար :

XXVIII

Երբ աչքերս բացի՝ սենեակիս լուսամուտներն էին, մահամերձ նայածքներու պէս :

Դուրսը, հանդարտ փողոցի մթնշաղին, գիշերապահի միօրինակ խորունկ երգը կը հոսէր :

Ըսես հեռուէն, անապատի անափ բացատարներէն անցնող, մենաուր փամբորդին ե՛րգն էր :

Թւեցաւ՝ այդ դո՛ւ ես, հայրիկ, քո անյայտ ափսոսանքի մեծութեան մէջէն ...

Ու կամաց, փակեցի նորէն աչքերս որ շարունակի՛ երագս եւ տրտում երգիդ հետ նորէն՝

Քո ծարաւի պատկե՛րը տեսնեմ ...

XXIX

Հայր, ե՞րբ պիտի գաս :

Կարօտդ ծովացաւ սրտիս մէջ, տե՛ս :

Հոգիս՝ տառապանքէն հողմավար՝

Կուրծքիս տակ տերեւի պէս կը դողա :

Զպիտի՞ իյնա :

Մայրիկը շատ լացաւ, հա՛յր :

Եւ փոքրիկ եղբայրս, որք աչերուն մէջ յամառ՝

Յոյսը կը պահէ :

Ե՞րբ պիտի գաս :

Այ յոգնեցանք, այ ուժ չկա բազուկներուս մէջ :

Աչքերս այ մայրամուտին պէս ... կուշանա՛ս ...

Հա՛յր, ե՛րբ պիտի գաս :

XXX

Ի՞նչ կը լինէր  
Այս օտար փողոցներէն  
Ուրկէ տխուր ու դանդաղ իմ կառքը կը թաւալի  
Այս օտար փողոցներում՝  
Յայտնուէի՛ր դու յանկարծ :  
Չը նչայի՛ բերկրանփէս  
Չը ցատփէի՛ խենթի պէս դէպի քեզ  
Այլ մեղմօրէն ժպտէի  
Եւ օտար այս փողոցներէն՝  
Տրտում, կառփիս հետ, անցնէի՛ :

XXXI

Ուզեցիր որ կեանքը գիտնամ ես ...  
Հեռու լուսնի տակ կարօտե՛ր եմ քեզ :  
Լուսամուտէն, աչքերս կապոյտ լեռներուն՝  
Ծարա՛ւ եմ քեզ, մա՛յր :  
Կանրջեմ օրան՝  
Երբ կառքս նորէն, մեր կապոյտ լեռներէն,  
Ինձ քեզի՛ պիտի բերէ :  
Իսկ կեանքը՝ որ իմ շուրջն է -բզի՛ւն մաններու-  
Կեանքը շա՛տ յիմար բան է :  
Հաւատա՛ մայր :

Միակե՛րպ, ընդհա՛տ,  
Անձանօք, անձրեւոտ գիւղաֆաղաֆի վրա,  
Զանգե՛րը, զանգե՛րը ներմակ եկեղեցու :  
Այնպէս կը սեղմեն հոգիս :  
Մեր տնակին մէջ հեռաւոր,  
Հիմա, աչքերդ կը փակուի՞ն,  
Վերջին անգամ, անո՞ւնս կուտաս .  
Բագուկներդ կանչարժանան՝ դէպի ի՞նձ .  
Մա՛յր, մա՛յր :

Վերջապէս արե՛ւը, արե՛ւը  
Լուսամուտներս բացի՛  
Ուսուոր ֆաղցրօրէն սենեակս կը լեցւի  
Անձրեւին տեղ՝ լոյսի շիթեր կը կաթկթին տերեւներուն  
Հեռաժառայ մարգերը սա որքան նմա՛ն են ծովուն  
Անրջո՛ւն օր, կապոյտ բաժակ՝ գինիո՛վ լի  
Մեղու, վայրի՛ մեղու, նե՛րս եկուր  
Քեզ հետ դուրսի հովերէն, լոյսերէն, բոյրերէն՝  
Բե՛ր շիթ մ՛արցունք, շիթ մը ժպիտ  
Մեղո՛ւ, պզտիկ երգդ երգէ ինձ ...

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Արեգակի՛ պէս, կը լուսավառե՛ս, օրե՛րն իմ ներկա  
Դեմքերը, դէպքերը, հետքերը անցածին՝  
Մշուշին մէջ կը հալին  
Ես գա՛րթ, եմ նորէն, կը լսեմ ամպերո՛ւն  
Կը վազեմ, կը փարիմ ծունգերուդ  
Մազերուդ հրային թերթերով՝  
Շուրթերս կը հիսես շուրթերուդ  
Շուքերը, սուգերը անցածին՝ մութին մէջ մնացին  
Բաժակները կը վերցնե՛ս  
Կը լեցնես ցնձագին՝ աստղերէ՛ն  
Օրերն իմ ներկա՛  
Կը նետես յաւերժական արեւի՛ն, արեւի՛ն :

XXXV

Ես մտա Տէրոջը տանարը .

Կիսախաւարում, խաչելութեան դէմ,  
Կո՛յս, գեղեցկօրէն ծնրադիր, ազօթփի պէս վերացա՛ծ :

Ես մտա Տէրոջը տանարը .

Վերջին բազանք ունէի սրտիս,  
Ու հանդարտ մօտեցա խաչելութեան խորհուրդին :

Ես մտա Տէրոջը տանարը .

Բայց մոռցա՛ծ էի ազօթի,  
Ու տժգոյն մօտեցա խաչելութեան խորհուրդին :

Ես մտա Տէրոջը տանարը .

Եւ ընդունա՛ծ էր իմ ազօթփը վերջին,  
Քո շուրթերէն, ազօթփիդ մէջ, իմ անո՛ւնը լսեցի, կո՛յս :

Ես մտա Տէրոջը տանարը :

XXXVI

Աչերդ հո՛ւր, շուրթերդ նո՛ւո,  
Կայծերո՛ւ աղջիկ .

Ինծի ի՞նչ վիշտը .  
Ես կը փայեմ նոե՛նի պարտէզներէն բոսորոզեղ՝  
Քեզի համար հիր ծաղիկներ՛ը կը փայեմ :

Մազերդ անհո՛ւն, բոյրդ գարո՛ւն,  
Բոցերո՛ւ աղջիկ .

Ինծի ի՞նչ կեանքը .  
Ես կըսեմ ինձ՝ քսան տարին արդէն անցաւ .  
Անգամ մ'ալ այսպէս, անգամ մ'ալ այսպէս՝ ու ես չկամ :

Ես կըսեմ ինձ .  
Ի՞նչ կա նշմարիտ ... Սէ՛րն է գեղեցիկ,  
Երգը նագանֆիդ, կարկաչը ձայնիդ, ձեւերդ ցնորֆ՝

Աստղերո՛ւ աղջիկ .  
Սիրտդ արփի՛ր, սէրդ գի՛նի՛ր .

IIVXXX

Ինծի ի՞նչ մահը .  
Ես կը վազեմ նոե՛նի այգիներէն արեգնագեղ,  
Գանգուրներս ծաղիկներով եւ հոգիս լի՛ ցնձումով՝  
Գէտլի աղբի՛ւրը անմահ՝ վարդաբոսոր շուրթերո՛ւդ :

XXXVII

Արե դիցուիին կը համբուրէ ալիքները  
լնակին, լնափին մենք տարածւած՝ քով քովի,  
ու կարքննան քիթննե՛րը երագաքիռ :

Անտա՛նն է անհուն, ջուրերն անբջուն,  
համե՛րզն է հէքեաք՝ Աստծոյ աշխարհին :

Այս անծանօթ կուսաքրքիռ փերուն դու  
ծաղի՞կն ես կապուտակ, կապուտակ անտառ-  
ներուն խորհրդալի՛ ծով աչերով ոգի՞նն ես  
խարտեաշ :

Խարտիշագեղ մագերդ փռե՛ր ես կուրծփիւ,  
կուրծփիդ կուսական ընկզմա՛ծ եմ արբած ,  
յաւերժահա՛րսն իմ ցնորփներուն :

Շուրթերդ փնփուշ, այնքան մօտ հակած ,  
այնքան մեղմօրէն ինձ կը շշնջան — Աշխարհը  
անհուն, մենք վեհ աստուածներ, վեհագոյնն  
այլեւս մեռնիլ է միայն ...

Մեր գերեզմանը որպէս հէքեաք անծանօթ,  
անմահ երագ աստղական՝ անյայտ փիին լնա-  
կի ...

XXXVIII

Անյայտ ափին լնակի, լեռնալանջին ծագ-  
կաւէտ, գերեզման մը կա: Եղբւենին հրաբոյր,  
տերեւները խոնարհած, կերպէ՛լ այնտեղ :

Թեւերը պարզած, հեռուն կը սահին առա-  
գաստները կարապներու պէս: Հեռու ջուրերու  
մամբոբդը օտար, յանկարծ կը լռէ, կը տխրի  
այնտեղ :

Լուսինն անհունէն ցայգանուրջներու ժան-  
եակ կը հիւսէ շիրիմի սրտին : Ալիքնե՛րն են  
հոն, ամայութեան մէջ, օրրերգով անդորր,  
փրփուր գգուանով :

Անյայտ եգերբէ, մեղմ մթնշաղին, նաակ  
մը սահուն, նաափ կը հասնի : Երկու լուռ  
սուեր, սիրահար քայլով, կանգ կաննեն խո-  
հուն, եղբւենուն տակ :

— Կերդնո՛ւմ աստղերուն եւ լիլաներուն  
եւ յանուն շիրմին այս նւիրական, յանուն նայ-  
ւածֆիղ աստղերուն կերդնո՛ւմ ...

— Ես քո՛նն եմ յաւերժ ...

XXXIX

Ըսէ՛ ծաղկավաճառին, իմ սիրելիս, ըսէ՛  
այդ բարի ծաղիկ-ծախողին, թէ իբմէ՛ բազ-  
դաւորը կը մանչնաս դու, աշխարհին վրա :

Երբ նորէն անցնիս մամբայէն, եւ նա բե-  
րէ իր ծաղիկները քեզի, երբ նա պատմէ բազ-  
դաւորութեան մասին, որ կըստանա իր այս  
մնուշ նւիրումէն՝ դու, իմ սիրելիս, կա՛նց  
առ մի պահ, եւ քո ձայնով ըսէ իրեն :

Ըսէ՛ իրեն, թէ մի օրով, իր նւերն ըն-  
դունելով, եթէ բազդաւորութիւն կը բերես  
իրեն՝ կա մէկը, որի բոլոր օրերը նւիրած են  
երջանկութեան, այն օրէն, երբ քո ծանօթու-  
թիւնն ես նւիրած իրեն :

Ըսէ՛ թէ քո նւիրած բազդաւորութեան փո-  
խարէն ինք, ծաղկավաճառը ծաղիկներ ունի  
փոխարինելու : Բայց նա, որին պարգեւած ես  
բազդաւորութեան պարտէզներ եւ երկինքներ

երջանկութեան, նա ինչպէ՛ս եւ ե՞րբ կարենա  
հաւաքել բոլոր բուրաւէտ ծաղիկներէն եւ բո-  
լոր փայլուն աստղերէն՝ պսակներ՝ քո վար-  
սերը պսակելու եւ քո ոտները զարդարելու :

Ահա թէ ինչո՛ւ երբ իր հոգին արբած է  
քո պարգեւած պարտէզներու բուրմունքին եւ  
աստեղածոր երկինքներուն տակ, բայց իր աչ-  
քերը արցունքով կը բարձրանան քո աչքերուն  
եւ իր սիրտը կը կրէ՛ յաւերժական տրտմու-  
թիւնը տառապանքին :

Ըսէ՛ ծաղկավաճառին, իմ սիրելիս...

Եթէ գիտնաս ի՞նչ վշտով եւ աչքերուս ի՞նչ ցատումի կայծերովն է՝ որ կը կարդամ այսօմդ :

Ի՞նչ արհամարհանքով կատեմ յուշատեքիդ ներմակ թերթերուն վրա այդ անուններն ստորագծւած եւ սուտ սէրեր, յիշատակներ, քաղճանքներ, պատուէրներ ...

Կատեմ՝ առանց մանչնալու՝ քու սրտին այդ էակները թանկագին, մտերիմները հոգուդ . կատեմ բնագոյրէն, անգիտակցօրէն եւ անհետօրէն՝

Ինչպէս կատեն՝ խաւար նկուղները բանտին եւ բանտապահները աղտոտ մագերով եւ դահիճները գեղեցկուքեան :

Քու անգիտակ սրտին համար, իմ բնուշ երա՛գ, անոնք ոսկի բանտեր են եւ բանտապահներ զարթ եւ դահիճներ :

Կատեմ եւ ինձ իսկ . եւ այ հիւսած եմ քու մաքրաթեր հոգուն մի ժպիտով ու մի արցունքով : Մահագի՛ն լինի պահը՝ երբ նամբաս յանկարծ քու նամբուն վրա բացւեցաւ ...

Կատեմ եւ ինձ իսկ . ու գիշերին մէջ մեծուքիւնս եւ թախիծս անսահման ... արցունքներս, կը հոսի՛ն արցունքներս :

XLI

Ինչպէ՛ս սեղմեցի սիրտս .

Եւ ինչպէ՛ս մուր էին քայլերս որ արբած  
մօտեցան դէպի նստարանիդ մենաւոր :

Ես կուգէի միայն՝ վերցնել գլխարկս եւ խո-  
նարհել գլուխս ու յանկարծական երջանկու-  
քիւնն աչքերուս՝ անցնիլ նամբայէն :

Դու դարձուցիր գլուխդ հպարտ .

Իմ բարեւը կախւեց օդին մէջ , դողաց , ին-  
կաւ :

Գոռո՛գ աղջիկ :

Եւ ինչո՞ւ համար , մաքուր կիսակօշիկնե-  
րուդ եւ սպիտակ շրջագգեստի՞դ :

Կամ , մագերս յարդւած չէի՞ն այնքան , խո-  
գանակին հպատակած :

Խե՛ղն սիրտ , ուր մեռած է երազը եւ փունջ  
մը միսի ալ բե՛ն է միայն :

Դժբաղդ էակ՝ որի նայւածքը գրպաններէն  
վեր թռի՛չք չունի :

Ոչ , իմ անհոգի գեղեցիկս , երբ արդուկւած  
տափաստով եւ գանկը բաց գլուխով , ցնորփիդ  
հետ օր մը անցնիս՝

Մի՛ կասկածիր , ես ալ քեզ չե՛մ բարեւեր :

XLII

Տիկի՛ն

Դուք ամուսնացեր էք :

Պարտէզի անդորր վերջալոյսին մէջ, ձեր ամուսնին մօտ, հիմա ,

Այնպէս այլակերպ է ձեր դէմքը հիմա եւ ձեր որովայնի ստեղծագործ կորուսիւնը սակայն, շատ աններդաշնակ կստերագծի գեղեցիկ վերջալոյսի փօնին վրա պարտէզին :

Տիկի՛ն, դուք սեփականութիւն էք . կը պատկանիք ձեր տիրոջ՝ ինչպէս իմ Տօմիկը՝ ինձ :

Ձեր գրեթէ ապշած նայածքը, գեղակորոյս ձեր էութեան այս անտարբեր հետաքրքրութիւնը վերջին՝ ուղւած է դէպի ինձ :

Իմ աշխոյժ արտայայտութեան ձեւերուն , իմ վառվռուն բառերու կենսայարդ երաժշտութեան

Որ՛ անորն ալ էին, երբեմն, ձեր մօտ անբաժանօրէն նստած, այդ արդէն լուրջ, դանդաղ, հանդիսաւոր տղամարդին :

Տիկի՛ն, եւ կարծես դուք չէք որ կը դիտէք, դուք այնպէս փոխւած էք, ներեցէ՛ք, շնչող մի դիակ էք դուք :

Ես ձեզ կը թւիմ գուցէ հէֆեսթի՞ մէջ, հեռաւոր :

Ձեր անիմաստ աչքերը կը վերցնէք, անդորր վերջալոյսին տակ ոսկերիզած տերեւներուն .

Եւ կարծես կը փնտռէք .

Ծաղիկներն ո՛ր են, ո՛ր գացին թիթեռները, այրեցա՞ն թիթեռները լապտերին բոցէն :

Տիկի՛ն, լապտերին բոցէն՝ ձեր առաջին այն գիշերը խելահեղ :

XLIII

Ո՛վ էիր դու : Տժգոյն դէմքդ փերուդ  
եւ քախծոտ հաեացքդ իր աչերուն :

Յուրտ հիւսիսէն կովկասի գարունները  
մեկնող, ժպիտի մը գուցէ յոյսով, ուշացած ու  
ցրտահար կռունկին պէս, ո՛վ էիր դու :

Եւ ո՞վ էր նա . հաեացքը լուսամուտէն դէպի  
փախչող հեռուները, անծանօթ, հորիզոններ  
փնտռող խենթին պէս, լուռ, խոհուն, անտար-  
բեր :

Ո՛վ էիր դու որ իր վիշտը հասկցար, եւ  
անունը հարցուցիր . որ վակոնի երեկոյեան  
մթնշաղում, քոչ պէս, իր յոգնածի գլուխը  
ծունգերուդ նիրհեցուցիր :

Ինչո՞ւ չըսիր քո անունը եւ պատմութիւնը  
խորհրդաւոր . եւ արշալոյսի լոյսերուն հետ ան-  
հետացար՝ դէպի ո՛ր :

Ո՛վ էր նա որ մինակ է նորէն եւ տժգոյն  
եւ լուռ . անծանօթ հորիզոններ փնտռող խեն-  
դին պէս . որի սիրտը քո վշտակից անծանօթ  
քոչ՝

Յանկարծական կորուստն ու յիշատակը կը  
հեծկլտա :

XLIV

Իմ նամբաներու հեռուներուն մէջ,  
Շատ անգամ, գլուխս գնացքի լուսամուտէն  
դուրս, դիտած եմ երկաթուղիներու վրա, արե-  
ւակէզ, քրտնաթոր բանւորներուն :

Անոնք, մուրհը ուժեղ փերու մէջ, ինք-  
նամոռաց, հակած են գետին : Ըսես երազանքով  
տարած դէպի տնակին՝ ուր վտիտ ձեռներ ի-  
րենց ձեռներուն կերկարին :

Ըսես չեն լսեր անոնք գնացքին, չեն գի-  
տակցիր վերահաս վտանգին : Ու վեր կառնեն  
գլուխները՝ երբ գնացքը սրարշաւ ու շտա-  
չուն՝ հասած է արդէն :

Եւ մուրհերը անեղ փերու մէջ, ինքնամո-  
ռաց, կ'իստ են անռնք նամբաներուն վրա :

Ու կատաղած ձիու պէս, դիւային աչքերը  
խաւարին յառած, արագընքաց ու բարձրագոյ  
կուգա, կը մօտենա նա :

Բայց այս անգամ երազները ծանրացած են  
նակատներուն տակ. անոնք այլեւս չեն ուզեր  
սքափիլ : Կը հասնի նա, չե՛ն վերցնէր գլուխ-  
ները. չեն ալ կրնար :

Եւ նա՛ կանցնի անոնց վրաէն :

Մնայլ բուլվարին վրա, իր ոգեվարող աչ-  
 քերով կանգ առաւ իմ հէմ : Հասկցա, առանց  
 հասկնալու իր բառերը եւ առանց պատասխանե-  
 լու, հեռացա՛ :

Պարզաժ հայրական ձեռները ինկան : Ես  
 ոչինչ ունէի : Եւ իմ արախ արտաքինէն յու-  
 սալի՛ իր տառապած հոգուն մէջ՝ միայն կաս-  
 կածը մնաց :

Ետ դառնալ բացաւ ե՞ր իրեն : Ո՞ր լուսա-  
 տուին պարզել սիրտը արդ խաւարակուռ հո-  
 վիտներէն : Որի՞ դարձեալ մարդկային արիւ-  
 նոտ եւ վրէժխնդիր շուրթերը :

Հեռացա :

Եւ ինչպէ՛ս կուգէ՞ր հայրական ձեռները  
 հասնէին, իջնէին գայլո՞րն ուսերուս վրա եւ  
 իմ անկարող էութիւնը տանելի՛ խորտակէի՛ն  
 այս մնայլ բուլվարին վրա :

Անուխ , հրակայլակ բաժակներու առաջ ,  
 կը բարձրացնէին իրենց թեւերը, կը քրջջային  
 եւ մթամած խրնիքին մէջ կարմիրը կը շարու-  
 նակէր, վերջալոյսի յոգնածութեամբ հրա-  
 հրիլ ...

Երբ ծանրացած գլուխս վերցուցի եւ ան-  
 դորբ թախիծով դուրս եկա : Դռան առաջ ,  
 մտորուն աչքերս ինկան հեռուի արշալոյսող  
 հորիզոնին :

Սքափումի յանկարծական մի յուզում ան-  
 ցաւ յոգնած դիմագծերուս : Առաջին ցոլներուն  
 հետ՝ դողդոջ մի ժպիտ նշուլեց :

Ճանաչեցի, ըսես, իմ անձանօք մտերիմը :  
 Յիշեցի, ուրիշ կեանքի մէջ թերեւս միասին  
 մեր օրերը ներդաշնակ ...

Եւ հաստատաբայլ քալեցի դէպի սի՛րտը  
 Անոբ :

Անծանօթ մտերիմ, կուգէի որ իմ նրագի  
վերջի ցոլէն, քո նրագը վառէիր :

## XLVII

Տանարի նւիրական մթութեան մէջ, երկնքի  
սուրբ լռութիւնը կը հետար :

Երբ անժամանակ ու ծանրաբայլ մտա, դի-  
մեցի դէպի Աստուծոյ որդին :

Խաչուած Աստուծոյ առաջ, վառուած միակ մո-  
մի վերջին ցոլերը կը հասնէին :

Եւ մարեցաւ նա՝ երբ ես վառած էի իմ  
նրագը :

Երիտասարդ Աստուծոյ քակտոր մեղմօրէն  
լուսաւորեց : Սիրտս լեցեցաւ գեղեցիկ եւ  
խորհրդաւոր մի վախճանով :

Մէկը տաւ իր շունչը եւ չմեռաւ : Մի մեռ-  
նող կեանք իմ կեանքին մէջ անմահացաւ :

Գրքե՛ր, որ համբոյրի խոստումով սի՛րսս խոցեցիք :

Որ մի քանի գիշերներն իմ լուսնկա՛ մատնեցիք անթափանցելի մութին :

Սիրահարնե՛ր անողոք, մարգարիտներ լուսեղէն՝ կորուստի ծովուն :

Որ հիւսեր էք ոսկէ ոստայն, նամբաներուն վրա անել, անիծապարտ խորհողներուն :

Ու վերադարձի նամբա չկա ու վերջին հանգրւան չկա, չկա ձեռք ազատարար :

Հագի՛ւ մի քանի սայլեր, դեռ, անգիտութեամբ բռնաւոր, կոյս լեռնուղիներէն վեր :

Ու կը նետեմ ինձ ահա, անդորագնաց սայլերուն վրա ... Ու հեռուներուն մէջ կորուած տնակիս՝

Ահա՛ դուք, նորէն, ներմակ սեղանին վրա՛ ալլաձեւ, ալլանդակ, թովչական, թունաւոր գրքե՛ր :

Կը փայեմ՝ գիտեմ շարժումները շուրջիս .

Ձայնե՛րը որ կը հնչեն, ձայնե՛րը որ կը լսեն .

Մայրամուտի լոյսերը դեռ բոցավառ աչերուս՝

ժպիտովը շուրթերուս, շուրթերս կծոտելէն՝ կը փայե՛մ .

Գիտեմ՝ աստղե՛րն են անբիծ, կիյնա՛ն աստղերը .

Գիտեմ կեանքը թիթեռնիկին ակնթարթէ .

Ու երագանքը, ցողակաթիլը, սարսուռները .

Սուերները տրտում որ կը սահի՛ն .

Կզգամ՝ Գանգէսի ափին լողիւսները կը թօշնին .

Կը լսեմ երգը, մտիկ կընեմ արցունքին .

Արշալոյսի՛ն .

Ջուրերո՛ւն որ կը ցայտեն, ջուրերո՛ւն որ կը ցամփին

Կզգամ անգորութիւնս, տգիտութիւնս գիտեմ .

Ու հեռուէն, արշաւելէ՛ն, կուգա վա՛զը, աւագը կիշխէ՛ .

Սառնամանիքը կը տիրապետէ՛ .

Ինչո՛ւն համար արժէր խնդալ, հեկեկալ .

Ինչո՛ւն փարիլ :

2112

v

L

Հանգած լոյսերով, անդորր լեռներու ամա-  
լի համբով, մինակ, կը մեկնիմ :

Գիշերը լռին, գիշերը խաղաղ, մշուշոտ  
Ժայռեր կը խոկան հանդարտ, կապոյտէ քեւեր  
կը գրկեն ուղին :

Իմ սի՛րտն ալ անլոյս, իմ սի՛րտն ալ ան-  
լոյս, գիշերին մէջ այս համբուն պէս ամայի-  
նօ՛ւր կը ձգւի այս ուղին :

Ո՞ւր կը ձգտի իմ հոգին :

Ո՛չ արցունք, ոչ կանչող ձեռք իմ ետեւ :

Ո՛չ անուրջ, ոչ մի աստղ իմ սառջ :

Ու գիշե՛րն է իմ շուրջ, խորուն գիշերը  
անշունչ, կապոյտները մեղմօրէն կը հալին,  
խոկումները յամբօրէն կը հատնին :

Կը բարձրանամ՝ գորշ ստինքներն ամպերուն երբ կախուիս երկինքէն ու աշնան տրամուքիւնն իջնէ արտերուն :

Կը բարձրանամ ու կը փայեմ արտերէն :

Ձեմ ժպտար կապուտակներու նորաբաց աչերուն, չեմ վշտանար անձրեւին որ ծեծէ շուրթերս, հովին՝ որ փախցնէ մագերս :

Ես կը բարձրանամ բլուրին վրա, հանացֆս հեռու լեռներուն՝ կը մտածեմ. ե՞րբ պիտի փարատի մէգը, ե՞րբ պիտի ամպերը սահին :

Ինձ կը թւի, թէ ամպերը երբ սահին եւ հորիզոնը պարզի՝ պիտի տեսնեմ ահա լեռներուն ետեւ քաղաքը, իմ չֆնա՛ղս :

Ինձ կը թւի՝ ...

Ու կը լողան, կը հեռանան ամպերը, երկինքը կը բացուի կապոյտ՝ կապոյտ լեռներուն վրա, բայց քաղաքը հեռաւոր՝

Ձե՛մ տեսներ երբէք, իմ չֆնա՛ղս :

Իմ ամայի ու մեռաւոր ճամբուն վրա, հազարաւոր բաղդի թերթեր բուսած են :

Մուկի եկած ու գլուխս խոնարհած, ժամերով, ժամերով, հազարաւոր երեքնուկներուն մէջ, մէ՛կ հատ չորս-թերթիկովը կը փնտռեմ, իմ մանկական օրերէն :

Բայց բաղդի ծաղիկը, ինձ երբէք չը ժպտաց :

Մոլար ֆայլերով, տժգոյն, կանցնիմ ճամբաէն : Կանգ կառնեմ երբեմն տարած, աչքերս նորէն երեքնուկներուն ... յանկարծ, կը հակիմ, կը ֆայեմ, աւա՛ղ ...

Եւ յուսահատ կը ֆայեմ .

Ով գիտէ որքա՛ն բաղդի թերթեր կոխտուէն :

Հովե՛ր, հեռու աշուններէն հովե՛րն են կուգան, ամպերը տարօրէն կը չւեն, ծառերը կը խոնարհեն գլուխները, տերեւները կը շշուշան, կը շրջին, հագա՛ր տրտունջ, հագա՛ր մրմունջ ...

Կը ք-ի՛ երկնակապոյտի ֆամբաներէն ծաւի ալնարկներ ինձ կը կանչեն ու ինձի կուգա պիտի սահի՛մ հեռաժառայ անհանգրւան ֆամբաներէ ...

Հովերուն հետ, ոստոստելէն, կը վագեմ տաղաւարիդ ծաղկահիւս, կը ծածկեմ կարդացած տողերդ որ ինձ նայիս ու ք-եւերս հիւսելով լանջիդ՝

Կը համբուրեմ, կը համբուրեմ սիրելի տժգոյն այտե՛րդ, այտե՛րդ ...

Այսօր աւելի՛, աւելի՛ կը սիրեմ քեզի .

Աշնան տերեւները կը քափի՛ն .

Սարսուռնե՛ր երկինքէն կը ցանւին .

Աւելի՛ կը փարիմ կուրծքիդ .

Պաշտպանէ՛ ինձ անձրեւներէն ու մրրիկէն .

Խոստացիր սրտիս՝ գարո՛ւնը վաղւա .

Աշնան տերեւները կը քափի՛ն .

Իմ արե՛ւ, իմ երկի՛նք, ժպտա՛ ինձ .

Այսօր աւելի՛ կը սիրեմ քեզի :

Կիսամյաձ երկինքէն  
 Սուերներ  
 Սարսուտներ կը վագեն  
 Մեղմօրէն  
 Մթագնաձ արտերուն  
 Կը ցանիւն  
 Որաներ դեղնաւուն  
 Տարաձուն  
 Լեռներուն կիսամերկ  
 Ուղիներ  
 Կը սողան յուսարեկ  
 Լուսահեր  
 Ոգիներ շշուշուն  
 Կը շրջիւն  
 Մշուշէն մթամաձ  
 Վերջիւն կանչ  
 Վերջիւն նիչ թռչունի

Մի շողիկ  
 Զը հասաձ ցօղիկիւն՝  
 Կը մեռնի :

LVI

Անսահման խաղաղ ու խաւար գիշերներ .  
Մեղմօրէն ինկող տերեւներ – լուռ ,սրտաբուխ հեկեկանք–  
Այս անափ ու անկեանք դաշտերուն՝  
Ո՞վ կը վառէ խարոյկ :

Գիշերներ հառաջալի, ճիչերով լի՝ գիշերներ .  
Սարսուռներ, թախիծներ աշնայնի – ծղրիւղի վերջին  
մեղեդի –  
Այս անյոյս ու ցուրտ աստղերուն տակ՝  
Ո՞վ կը ժպտա երազին :

Գիշերներ՝, հոգիիս գիշերներ՝ անսահման .  
Ո՞վ կը պարզէ ձեզ  
Ծաղիկներո՞վ, գարուններո՞վ խոստմնալի ձեռները  
նեքմակ՝  
Ո՞վ կը պարզէ ձեզ :

LVII

Երագային շղարշներէն ամպերուն,  
Մթնշաղի շողերն հեզի՛կ կը թափին .  
— Սիրտս քաղցր եւ ցնորուն եւ անհուն :

Սուերները մեղմ կը սահին արտերէն,  
Լոյսերն արդէն արտորալով կը մեկնին .  
— Սի՛րտ իմ, նորէն, ո՞վ կը կանչես տրամօրէն :

Գիշերն իջաւ . քամին արդէն կը նըչէ՛ .  
Արցունքներուս եւ մութերուն մէջ մեռակ՝  
— Քե՛զ, իմ երագ, իմ սիրտը քե՛զ կը կանչէ :

LVIII

Այգիներն են նորէն կանաչ երա՛գ ցաներ  
երկնի տակ . եղեգներու մէջ ցնորած աղանի-  
ներ սախտակ :

Լեռներն անուշ հեռուն մշո՛ւշ արեւուն  
տակ կը հեւան . ու կը վազէ կառֆս անուժ ,  
կեանքի մէջէն հոսեւան :

Գեղեցի՛կ հայր , մոռացա՛ծ հայր , դու  
կա՞ս , չը կա՞ս . ո՛վ է այն՝ որ կը կանչէ ...  
Ռափաէ՛լ ...

Հեռացա՛ծ հայր , կարօտա՛ծ հայր , ա-  
նուրջներ կան սրտիս տակ՝ որ կը վախճամ  
փայփայե՛լ :

LIX

Նորէն գարո՛ւն էր , արե՛ւ .  
Խարոյկները մարնատո՛ւն .  
Գինին փրփրո՛ւն էր նորէն .  
Հին օրերու սեղանը բա՛ց .  
Վերադարձե՛ր էիր հայր :

Նորէն կա՛նչ էր հեռուէն .  
Մանո՛ւկ էի ես .  
Աստղե՛րն էին ցնորուն .  
Անհո՛ւն էի ես .  
Վերադարձե՛ր էիր հայր :

Նորէն գարո՛ւն էր , արե՛ւ .  
Մայրս մերմա՛կ էր հագեր .  
Երկրի վրա հրեշտակներ .  
Երկնքին մէ՛ջ էր Աստուծ .  
Վերադարձե՛ր էիր հայր :

Այդպէս գետնին եւ աչքերդ կրակին՝  
 Ի՞նչ կը խորհիս, տժգո՛յն տղա .  
 Տե՛ս բոցերն ինչպէ՛ս վտիտ փայտիկները կը գրկեն .  
 Լսէ՛ ինչպէ՛ս սեւուկ փայտերն՝ հրաթրթրի՛ն, ոսկեշո՛ղ,  
 կերգե՛ն .  
 Վշտի նիչ չէ՛ նա . ոչ ալ քրքիչ հանոյքի .  
 Տառապանքի երջանկութեան աղաղակն է նա .  
 Ու կայրին ու կերգեն, կը վառին ու կը մրմնջեն .  
 Յետոյ կիյնան վար, կը սեւնան, կը սառին,  
 կը դառնան մոխի՛ր :

Ի՞նչ կը գրես այդ սպիտակ թուղթին վրա .  
 Ի՞նչ էր ինկաւ աչքերէդ :

Երագին ժպտացող մանկան պէս՝ իմ մի՛տքը  
 կիյնաս դու ու այնպէ՛ս ինձ անուշ կը յուզես :

Կը սիրեմ թախիծը քո անծիր, համբոյրը  
 ու սիրոյ խօսքերը թովչական, որ չըսիր :

Կը յիշեմ գիշերը լուսնկա, թոթովումն  
 իմ դողողջ, փախուսող ամէկուտ աղջկա :

Ու իմ քո՛յր, իմ քնքո՛ւշ սրտակից, գուր-  
 գուրանքդ գաղտնի՛ կը յուզէ այնքան քո՛ղցրօ-  
 րէն ինձ՝

Երբ յանկարծ կը յիշեմ քեզ այնպէս, ար-  
 տերուն մէջ մի՛նակ, երագին ժպտացող մանկան  
 պէս :

Աստղերուն հետ, բարձր ծառերու սոււեր-  
ներուն տակ, թափա՛ծ էին ոսկեյորդ գանգուր-  
ներդ ուսերուս եւ կուլայիք, հեծկլտագին,

Յիշելով Մահը՝ որ հեռու էր բայց կար,  
որ սեւ բիւրեղով պիտի գա՛ր :

Մեղմօրէն գրկեցի գանգուրներդ ոսկի եւ  
շուրթերս աւելի մեղմ, պատմեցին քեզ աստ-  
ղերուն մասին, երիտասարդ ծաղիկներուն, գի-  
շերներուն գարնանային ...

Դու փոքրիկ ձեռներով բռնեցիր գլուխս,  
ճայեցար խորն աչերուս ու մանուկի պէս, մոռ-  
նալով արցունքներդ՝

ժպտացի՛նք, ժպտացինք երջանկօրէ՛ն,  
բարձր ծառերու սուերներուն տակ :

Մենք կը փալէինք միասին եւ քո ձայնը կը  
հնչէր հեռաւո՛ր :

Այն երեկոն ալ, երազային էր, անստոյգ,  
ծառերը ցնորական էին բառֆին մէջ, եւ կային  
եւ չկային :

Մենք կը փալէինք միասին, մատերդ իմ մա-  
տերուն մէջ եւ ժամերն այնպէս կը սահէին,  
կարծես չէի՛ն սահեր :

Օ՛ր իմ սիրտը դեռ կը սահի, այն իրիկւս  
անվերադարձ համբաներէն, մատերդ իմ մատե-  
րուն մէջ եւ քո ձայնը այլ աշխարհի հէֆեսքի  
պէս հեռաւո՛ր, հեռաւո՛ր :

LXIV

Սիրտս մանկիկ է դարձեր,  
Բռնէ ձեռքէն տա՛ր :  
Սիրտս հիւանդ է դարձեր,  
Քննուշ ձեռներով հո՛գ տար :  
Սիրտս աստուած է դարձեր,  
Սէրդ ոտներուն զո՛հ տար :

Սիրտս խորուն բանտ է դարձեր  
Բանտարկեր է հրաշքնե՛ր :  
Բանտուածները շատ են սիրեր  
Եւ այնքան շատ տառապեր՝  
Որ չի՛ կրնար արձակեր :

Իմ սիրտը, աշնան մէջ ինկած, Որբի մը  
պէս է :

Անցորդները կանցնին չե՛ն լսեր իրեն, ան-  
ցորդները ուրախ են, անցորդները կը ժպտան :

Իմ սիրտը, աշնան տժգոյն տերեւներուն  
մէջ, կըսպասէ Անոր :

Ու մեղմօրէն կը մըմնջէ, իր երգերը տըր-  
տում, աշնան տերեւներուն մէջ, իմ սի՛րտը :

... ..  
... ..  
... ..  
... ..  
... ..

Եկու՛ր, երեկոն մեղժօրէն երբ իջնէ լեռնե-  
րէն, երբ տնակիս մթնշաղին, ձեռներս կուրծ-  
փիս, տառապանքիս հետ առանձին լինեմ :

Եկուր որպէս շո՛ղ լուսնակի, որպէս լուս-  
նակի շողերէն անո՛ւրջ լուսեղէն եւ տա՛ր ինձ :

Տար հեռաւո՛ր, հեռաւոր աշխարհները քո  
անվիշտ . . . ուր հնչեն միայն երգե՛ր հրմուսնքի,  
ուր միայն սիրոյ ծաղիկներ՛ր ծաղկին :

## LXVI

Դուք երկուսդ, ձեռ ձեռի, ո՞ւր կշտապե՛ք.  
Եւ ի՞նչ կա սափորին մէջ որ արշալոյսօրէն ձեր  
ուսերուն կը կրէ՛ք, ցնծո՛ւն ճամբորդներ :

Կիպարիսնե՛ք, կիպարիսնե՛րն եւ շուրջը.  
մայիսին մէջ՝ երիտասա՛րդ ... եղբւրի՛ննե՛ք,  
եղբւրի՛ննե՛րն եւ առաջը՝ անծանօթ այգերէն  
բռնկա՛ծ ...

Ուրեմն՝ ո՞ւր կշտապե՛ք, դո՛ւք որ սափորը  
ձեր ուսերուն կը կրէ՛ք, ցնծո՛ւն ճամբորդներ.  
Ո՞ւր է մահը, ո՞ւրկէ կրնա գալ մահը :

## LXVII

Առաւօտը ծագեց եւ բոլոր ընկերներդ մեկ-  
նեցան : Միայն քո ցուպը կը մնա մարգագետ-  
նի վրա :

Դադարը լրացաւ կէսօրի : Քո ընկերներն  
հիմա հասան կայան : Ինչո՞ւ կը մնաս այս  
հիւղերուն տակ :

Լոյսերն արդէն մեռան : Տերեւները կը հա-  
լին կապոյտին գիրկը : Գիշեր : Ինչո՞ւ կը մնաս  
այս շուքերուն տակ :

LXVIII

Քոյրիկի ձեռքէն բռնած մտաւ մեր բակը ու խնդրեց իր սպիտակ գնդակը :

Սպիտակ գնդակը պահեցի սենեակիս մէջ, դուրս եկա ու գոչեցի .

— Այստեղ գնդակ չկա, հեռացէ՛ք :

Խարտեաշ մանուկը լացաւ եւ քոյրը ձեռքէն բռնած տարաւ այն :

Մի օր, քոյրիկի ձեռքէն բռնած, խարտեաշ մանուկը նորէ՛ն պիտի մտնէ մեր բակը ու խնդրէ իր սպիտակ գնդակը :

Ոչն ատեն, վերցնելով գնդակը իմ քանկագին իրերէն, պիտի վազեմ սանդուխներէն վար, պիտի գրկեմ ան քեւերուս մէջ ու արցունքներուս եւ ըսեմ .

— Այո, ահա՛ քու սպիտակ գնդակը :

LXIX

Մայրիկ, կը բարկանաս իմ վրա ու կըսես .  
« Դու շատ յիմար ես, բան դուրս չի գար քեզմէ » :

Բան դուրս չի գար ինձմէ, այո՛, ես գիտեմ . բայց սարսափելի՛ են այդ խօսքերը . ձանձրացե՛ր եմ, յուսահատե՛ր եմ, ես այլեւս չե՛մ սպրիր :

Կը վերցնեմ վերարկուս, գլխարկս կը դնեմ, կը դիմեմ մուրաբայերով, դէպի ծով ...  
Ճամբան, կը մտածեմ որ դու պիտի լաս դիակիս վրա :

Բարի մարդիկ պիտի վերցնեն մարմինս ծովափէն, տուն պիտի բերեն — ահա՛ յուսալք-բու՛մը կարկամած դէմքիդ, ահա սարսափահար աչերուդ արտասուքները հեղեղ ...

Ու ես, դեռ ծովափ չը հասած, կը վերադառնամ քու գիրկը, մայրի՛կ :

XIXI

LXX

Ես հարցուցի այն մարդուն .

Թե՛ յաւերժական այս երիտասարդ ֆաղաֆը,  
ծերացած չի՞ գտներ արդէն :

Նա դարձուց դէմքն իր շուրջը եւ պատաս-  
խանեց՝ ինք ծերացած բան չի գտներ :

Կանգնեցուցի մանուկը .

Սիրելի՛ փոքրիկ, որքա՞ն զարթ ես, ըսէ՛  
ինձ, իսկապէ՞ս շուրջը ոչինչ կա ծերացած :

Նա գարմանքի հաեացֆով աչքերուս նայե-  
ցաւ եւ պայուսակն աւելի՛ սեղմելով թելին՝  
վագե՛ց :

Ես հարցուցի եւ անոր :

— Ի՞նչ է որ կըսես, չե՞ս տեսներ դու, ամէն  
դի շող ու ժպիտ, ամէն ինչ երգ ու երիտասար-  
դութիւն . այս վարդերը, այսպէս գեղեցիկ,  
դեռ նոր ստացա, իսկ երկիւնքն այսօր կապո՛յտ  
է այնպէս ...

Եւ ես, ես կանգնած հիմա ճամբուն վրա  
մինակ, կը մտածեմ՝ թէ ինչո՞ւ ծերացած կը  
գտնեմ, այս յաւերժօրէն ուրեմն երիտասարդ  
ֆաղաֆը :

LXXI

Ամայի ծովափի աւազներուն վրա, պէտք  
չէր որ քո սպիտակ ոտիկներն արինէին : Եւ  
ես ծովափի աւազներուն վրա, բուրաստա՞նս  
տարածեցի :

Բայց երբ ինձ նշմարեցի՛ր հեռուէն, պարզե-  
ցի՛ր թեւերդ ներմակ եւ կանչեցի՛ր դու ...  
Որքա՞ն, որքան կածաննե՛ր, կը կորսի՛մ ես  
այստեղ :

Իմ ծաղկաստանի ածուներուն մէջ, պէտք  
չէր որ գիշերն իր արցունքը շրջագգեստիդ ար-  
տասւեր : Եւ ես ծաղկաստանի ածուներուն մէջ,  
ապարա՛նքս կանգնեցի :

Բայց դու դպար իմ ուսին եւ ըսիր հան-  
դարտ ... Վարբ, շագանակին լայն ֆիւզեր  
ունի. ինչո՞ւ այսքան ժամանակ եւ այսքան ար-  
ւեստ այս քարերուն վրա :

Եւ գարունն եկաւ : Ես գարունին հետ վա-  
զեցի քեզի, տարածեցի ոտիկներուդ տակ բո-  
լոր ջրային բոյսերը ծովուն, բոլոր բույ-  
ծաղիկներն իմ ծաղկաստանին :

Բայց դու մօտեցուցի՛ր թաշկինակը աչե-  
րուդ եւ ըսիր մըմնջալով ... Ինչո՞ւ սպաննե-  
ցի՛ր այսքան ծաղիկներ, ինչու համա՞ր այսքան  
ծաղիկներ :

LXXI

Ես կանգնած եմ ապարանքիս լքած սեմին,  
ամայի ծաղկաստանիս դէմ, կը մտածեմ ...  
Ծաղիկները կը մեռնին, ո՞ւր տանիլ ուրեմն  
ծաղիկները :

LXXII

Իրիկնաժամին՝ երբ ընդարձակ արտերն հե-  
ռուն մթագնին եւ հորիզոնի վրա դողան, առա-  
ջին կաթիլներն անձրեւին .

Դու, թախծալի աչերդ լուսամուտիդ աղօ-  
տին՝ յիշէ՛ որ այլ երկնքի ժպիտներու տակ ,  
քննուշ երա՛գ մը կապրի :

Երբ անսիրտ մարդերէն զգւած եւ մտերիւ-  
ներէդ հարագատ՝ բարձրանաս անտառ մոլո-  
րուն, գլխահակ, տերեւ չարչարելով մատե-  
րուդ մէջ .

Մտիկ ըթէ ծղրիդներուն ու ծորուն աստ-  
ղերուն հեռաւոր, յիշէ՛ որ անոնց տակ մի սիրտ,  
քն՛գ կերպգէ :

Երբ սառի ժպիտդ եւ դադրի՛ն մի օր ար-  
ցունմներդ, երբ լինւմը դառնօրէն սրտիդ եւ  
մահուան բաժակն ափիդ՝

Յիշէ՛ .

Ու հերարձակ ու վնասկան ու վստահ, այն  
հորիզոնը սուրա՛ ուր, մէկը, երջանկութեանդ  
համար՝ կազօթէ՛ :

LXXIII

Ես կը նստիմ երբ մենակ գեղազանգուր բլրակին  
Ու աչքերս փաղցրօրէն հեռուներուն անծանօթ՝  
Երկնաօգի երազանքը կը վերցնէ իմ հոգին՝ կը թռչի՝  
Ինձ համար աշխարհն արդէն ուրիշ աշխարհ կը դառնա .  
Լոյսերն արդէն ուրիշ երանգ կը հագնին .  
Ես կը դիտեմ մի պահ այնպէս ինքս ինձ ու գեղեցիկ  
կը գտնեմ .  
Ու գեղեցիկ կը գտնեմ երեկոյեան սուերներն  
ու սարսուռները ցայգահովին .  
Արտուղիէն դէպի հեռու անբջող, սայլը  
կարծես ոսկեբեռ, այնպէս յուզի՛չ կը սահի .  
Այնպէս ֆա՛ղցր կը դառնա ցնորապատ անտառի  
հնչուն երգը ծղրիդին .  
Ու ես ինձ կը մրմնջեմ մեղմօրէն՝  
Ի՞նչ կը լինէր, չը մեռնէի՛ ...

LXXIV

Քոյո՛րը, բոյո՛րը կը դառնան :  
Որովհետեւ երեկոյ է, վերջալոյսն արդէն  
կը հեռանա արտերէն :  
Դաշտուղիէն դիմացի, սայլակը որաներով  
եւ ոսկեվարս գեղջուհին ներմակ ստներով, կը  
դառնա՛ն շտապով :  
Ո՛վ գիտէ դէպի ո՞ր սին անուրջին՝ երկու  
ձիււորները սա, դէմի սարի գարիվայրէն՝  
սրարշա՛ւ :  
Ու ամպե՛րը, մելամաղձո՛տ, անդորրա-  
զնաց ամպերը երազներու պէս :  
Հեռուի միգամած մարգերէն, դեռ արա-  
ծուն ու ծուլօրէն, նախիրն արդէն թողած վայ-  
րին կը դառնա :  
Բառաջիւն մը մեռնող՝ բլրալանջէն վար,  
վերէն նիչը վերջին՝ անապարող կռունկին ,  
անսանձ ֆամին հետզհետէ ցրտասարսո՛ւտ :  
Ե՛ս եմ մինակ այստեղ նստած տխրամո-  
լո՛ր, անբջո՛ւն :  
Ո՛վ գիտէ, ես ալ արդեօք արդէն շատունց  
չե՞մ դառնար ...

Հա՛յր, բարի՛ Հայր

Տո՛ւր ինձ իմ մանկական հոգիին .

Իմ նայածքներու անմեղութիւնը նախկին, իմ  
լսողութեան հնչիւններն այն .

Տո՛ւր արցունքներուս առաջին ֆաղցրութիւնը ,  
առաջին ժպիտս .

Իմ երազներու ներմակ ծաղիկները՝ ե՛տ տուր  
ինձ, Հա՛յր :

Արարի՛չ Հայր, մի՛ մերժեր պատանի իմ ազօթ-  
քը .

Գիշերը կսպառի ահա, առաւօտը կը հասնի .

Եւ ես ծնրադիր ե՛ւ գլխահակ ե՛ւ տժգոյն ,  
կը հայցե՛մ .

Թող գիշերը չսպառի՛ Հայր, լոյսը շա՛տ է  
առատ .

Ու սուերներէդ ու աստղերէդ վերջ՝ մերկու-  
թիւնը շա՛տ է տգեղ, Հա՛յր :

Ամենագո՛ր Հայր, լսէ՛ ինձ .

Խոնարհութեան, սրտմութեան, հեկեկանքիս  
մէջ լսէ՛ ինձ .

Տո՛ւր յաւերժութիւնն իմ մանկական հոգիին .

Տո՛ւր ինձ որ մայրիկի համբոյրէն վերջ, միայն  
շուշաններունը գիտնամ .

Տո՛ւր ինձ, մնամ այնպէս, ինչպէս ստեղծեցիր  
դու .

Ու վաղը, աւարտելով խորհրդաւոր կամփիդ  
ուղին, երբ Քեզի՛ մեկնիմ՝

Թո՛ղ անհուն հաեացքդ ֆա՛ղցր եւ բերկրալի՛  
լինի վրաս :

Հա՛յր, տո՛ւր ինձ այդ պարգեւդ .

Եւ կուգեմ մանո՛ւկ լինել , Հա՛յր :

Մայիսեան երգով, գարնան թեւերով, իմ հոգին խելար՝ դէպի քե՛զ կուգա, քեզի՛ կը թռչի :

Հայրի՛կ , կզգամ, որ այս առաւօտ , գարունին հետ ոտքի՛ կելլես վերջապէս եւ կարօտալի աչերդ արտասուեմով յորդագեղ՝ տառապանքի անյայտ վայրերէդ, դէպի մեզի՛ կը քալես :

Հայրի՛կ , իմ մուրաբ սրտին միակ հանգրւան , միակ լուսեղէն ա՛րի կախարդական , իմ միա՛կ իտէա , իմ կեանքի իմաստ , իմ սէ՛ր անսահման :

Ծաղիկները բացեցա՛ն , արտերը հեռուն կանա՛ջ են նորէն , հովերը նորէն քնքնու՛շ են այնպէս ... Գարո՛ւնն է, գարո՛ւնն է . գանգուրներու շուրջ՝ պսակն հրացնձուն լիլաներուն , գեղեցիկ չէ՞ :

Ուղիներ՛ր , հեռաւոր , անդալաբ , անպատի՛ ուղիներ՛ հանդարտեցէ՛ք . ուրականներ ահագնաց , հրավառ աւազներու խորշակներ՛ դադա՛ր առէք . կզգամ , որ հայրիկս այս առաւօտ , ոտքի կելլէ , դէպի մեզի՛ :

Թող մերկ ոտները չարիւնտուրն աւազին վրա , իր բազմատանջ նակատին շուրջ՝ արե՛ւ շողերդ բարի թող լինեն ... Ահա երագուն աչքերը՛ իր անպարտելի հոգուն դեռ ըմբոստ նայւածեմով . ահա եւ իր մազերն ալեխառն ... արե՛ւ, եթէ կրնաս, շողերովդ սեւցո՛ւր անոնք :

Նա յոգնած է , նա տառապած է տառապանքովը նւիրական իր ցեղին . նա տժգոյն է հայրենաբաղձ իր երագներուն տրտմութիւնով ... Բայց այս առաւօտ , վերջապէս , գարունին հետ , հայրիկս մեզի՛ կուգա :

Ես կը նետե՛մ գանգուրներէս լիլաները հրասարտու , դէպի դալար դաշտերէն ու ոսկեծուփ արտերէն , մտնալով արցունքը քայլերուս տակ մեռնող ծաղիկներուն՝

Ես քեզի՛ կուգամ , հայրիկ , մայիսեան երգով , գարնան թեւերով , փարելու փոշեթարա ծունգերուդ եւ աչերս , խեղճութիւնով լեցուն աչերս՝ նւիրական կուրծքիդ վրա՛ քաղելու :

LXXVII

*Ձեր վարդերը ուշացան...*

Այստեղ են , կուրծքիս վրա :

Անգոր են ձեռներս այլեւս , ինկած են թոյ-  
լօրէն , չեմ կրնար պարզել ծաղիկներուն :

Միայն մեղմիկ շունչս կը հասնի ու կը  
թրթռան թերթիկները , կուրծքիս վրա , արե-  
ւուն տակ՝ բոսորագոյն ու թափանցիկ :

Բայց դեռ երէկ այնքան գաւրթ էի ես .  
ձեզ նւիրեցի ես , իմ երգերէն ծովը . ծովը  
իմ սրտին :

Դուք ժպտացիք ... դուք ժպտացիք մի-  
այն :

Ես հիմա ալ կուզեմ գաւրթ լինել , ես կու-  
զեմ բարձրացնել գլուխս ու նայիլ հեռուն ,  
արեւուն տակ տարածւած հեռաստաններուն :

Ես կուզեմ վերցնել գրիչս , ձեզ համար  
ծովը երգել . բայց ձեռներս ինկած են անուժ  
ու մտքերս տխուր են . շատ տխուր :

Միրտս կը տրոփէ այնպէս , պիտի պայթի  
կարծես . կարմիր պղպջակներ կը բարձրանան  
թոփերէս , շուրթերէս կը հոսին :

Եւ դուք ծաղիկներ բերիք այսօր ... Ձե՞-  
ռը ես ծաղիկներու սիրահարն եմ :

Ինկած են անոնք կուրծքիս վրա , իմ մեղ-  
միկ շունչէն սարսուռն , արեւի վերջին շողե-  
րէն՝ բոսոր :

Վնի՛տ , գաւրթ ծաղիկներ , չուշացա՞ք  
արդեօք :

*Արամեան հիւանդանոց*

LXXVIII

Մա՛հ , դու երանութեան արբալի՛ բա-  
ժակ , դու անհուն բարի , դու միակ գբ-ած ,  
դու վերջին ամենագոր հրապոյր եւ անխուսա-  
փելի դու վերջնական մայր՝ ես կը պաշտե՛մ  
քեզ :

Ինչպէս թիթեռը՝ լոյսին , ինչպէս գետը՝  
ովկէանին , ինչպէս երիտասարդ սիրտը՝ արեգ-  
նական սէրերուն՝ ես կը տենչա՛մ չեզ :

Ես անձրոյթն ունիմ ամենօրեա կեաքին ,  
սովորական սէրերուն , զգայնութեան՝ կան-  
խորոշւած ու սահմանւած :

Բա՛ց աչերդ հրածին իմ աչերու խաւա-  
րին , քու տրտմաբոյր զգանքներով վերցո՛ւր  
ինձ թեւերուդ եւ տար դէպի՛

Ուր որ կուգես , ուր որ կա . տար անծանօթ  
դէպի խորհուրդն աստուծներուն . դէպի գինին  
անէական ակունքներուն :

Դու մոռացման եւ անդորրի սպիտակ գիրկ ,  
դու երազւած կեանք , դու յոյսերու ցնորական  
հանգրւան , դու համայնական , դու անխորա-  
կան , դու ամենասուրբ :

Ահա՛ սիրտս , քեզմով գեղուն , կաղերսէ՛  
քեզ :

Եւ փարի՛մ քեզ եւ աղօթե՛մ քեզ եւ յաւեր-  
ժածեւ Սափորդ Նիրւանա՛ շուրթերուս՝

Քիթերս արցունքոտ եւ հոգիս լի՛ հեզու-  
թեամբ՝

Օրհներգե՛մ քեզ :

VII

LXXIX

Ես կը սիրեմ արշալոյսը որ կը բռնկի լեռներուն կատարէն , կը սիրեմ առաջին ցընցումները զարթնումի :

Ես կը սիրեմ քաղաքը , իմ սի՛րտ . առաջին սարսուռներդ , ոստումներդ անվարժ՝ դէպի անվերջ նո՛ր երկինքներ :

Կը սիրեմ մանկան շուրթերու առաջին խօսքերը թոթով , կուսական թարթիչներու արցունքն առաջին , առաջին կայծերը պատանկան նայածքին :

Ես կը սիրեմ արշալոյսը բոլո՛ր բեղուն կուրծքերուն , բոլո՛ր խոհուն նակատներուն , բոլո՛ր թռչող թռչելուն , բոլո՛ր հորիզոններուն :

Ո՞ւր կերթա մամբարդը այդ մեծաւոր  
մամբաէն :

Գորշ երկնքին տակ աշնան քամին կը հեծ-  
կըլտա : Սարերն սպիտակ սուգով՝ յուզարկա-  
ւորնե՛ր են Հրապոյրի թաղումին : Ո՞ւր կերթա  
այդ հողմավար յիմարը լեռնագալար նրբու-  
ղիէն :

Ոսկի եղնիկն իրեն չպիտի դիմաւորէ . չպի-  
տի բացւին մակատին դէմ արշալոյսներ . սա-  
րարթ-ախիտ անտառներ , լուսինին հետ, ցայ-  
գանուրջներ հիմա չպիտի՛ դաշնակեն :

Քաղցր չէ՞ սէրը տնակի գաղջ որմերուն  
ներքեւ . քաղցր չէ՞ օնախին շուրջ մարմատուն՝  
ծիծաղը մանուկին ու հէֆեաթները մամին ...  
Երագանքի համար երկինքնե՞ր են անհրաժեշտ :  
Ո՞ւր կերթա մամբարդը :

Ըսէ՛ք իրեն ե՛տ դառնա : Ըսէ՛ք իրեն թէ  
տժգոյն մի ուրական՝ բացաստաններու ան-  
սահման ամայութեան մէջ՝ վերջին շի՛ւղն ար  
չէ՛ որ հեղեղները կը տանին : Թող ե՛տ դառնա  
դէպի մեր ժպիտին ու նագանքին , մեր լոյսե-  
րուն ու անդորրին :

Եւ ի՞նչ կա հեռուի այդ բարձունքները  
մշուշոտ . անյայտը փնտռողի ցնորանքէ՞ն է  
տարւած , թէ լեռներու սանձարձակ մրրիկնե՛րն  
են հմայող : հրաբիբ գայլերու կաղկանձի՛ւնն է  
այնտեղ եւ անարեւ ծմակներու տրտմութիւնը  
մահասուզ :

Դէպի ո՞ր Յոյսին , ո՞ր կախարդական լոյ-  
սին , ո՞ր անձանօթ երագանքին կերթա ուրեմն,  
քէմի լեռնալանջը պարուրող այդ մեծաւոր  
մամբաէն՝

Ո՞ւր կերթա մամբարդը :

LXXXI

Փոքորի՛կ որ կը տարածես ծառերը՝ երկինք ,  
 որ բաշե՛րը կը գալարես .  
 Փոքորի՛կ որ ամպերը կը քալալես երկնքին մէջ , որ  
 երկրի վրա , ամէն ինչ , կը խառնես .  
 Փոքորի՛կ , կարուած հոգիս տապերէն՝ կը խլես ,  
 կը ծեծես սառն հարւածով շուրթերս մեռած .  
 Օ՛ր , միջոցները մթագնած են եւ եկող  
 ժամանակներն՝ հրաբոսոք .  
 Ու կը փախչի՛ն կենդանիներ հեռաստանին վրա  
 Ու փողոցին մէջ կենդանիներ մարդկային ,  
 կը կոխոտեն իրար սարսափահար .  
 Փոքորի՛կ , ո՛ր երկինքէն , ո՛ր երկունքէն , ո՛ր աստ-  
 ւածէն որ կուգաս՝  
 Եկո՛ւր հասակովդ մոայլ՝ լոյսերէն խաւար օրե՛րը  
 լուսավառելու .  
 Դո՛ւ տարերային շարժում՝ լուռօրէն հասունցող եւ  
 յանկարծօրէ՛ն հասնող .  
 Փոքորի՛կ , մոլեգիւն համբո՛յր երիտասարդութեան  
 շուրթերուն վրա .

Որ կը հեղեղես արտերը հօր եւ սրտերը անծայրածիր .  
 Որ հողմերով կը ցանես եւ շանքերով կը հնձես .  
 Փոքորի՛կ , արեւները վաղա՛ պիտի փաղցրանան ,  
 աւերներն անցած՝ նւիրագործի՛ն .  
 Փոքորի՛կ , սերմերը նորածիլ , աստղերը դեռ ան-  
 ծագ՝ քեզի՛ են ծարաւ : LXXXI

*[Faint bleed-through text from the reverse side of the page, including the word "LXXXI" and other illegible words.]*

Դու կը մերժե՞ս ուրեմն, իմ սառած սրտին  
 գարնան արեւներէդ երկու շո՛ղ, երկու շո՛ղ :  
 Քո անսպառ լոյսերուն մէջ, քո անհատնում  
 շփեղուքեան սահմաններուն մէջ՝ ուրեմն աղ-  
 փա՞տ ես դու այդքան :

Պիտի գա գարունն իմ աշխարհի՛ն ալ : Իմ  
 տնակը պիտի ծնի ձիւնի տակէն եւ աստղե՛րս ,  
 աստղերս պիտի ծորին՝ տառապանքի ամպերէն  
 ա՛յս կողմ : Պիտի գա գարունն իմ աշխարհին  
 ալ :

Եւ երբ հովերն սկսին հիւսիսէն, երբ բար-  
 տիներդ խոնարհին մեռնի՛ն լնակիդ սառած սր-  
 տին, երբ քո բնակարանն ալ պատանձի վեր-  
 ջին պատանձով ճմռան ... Դու պիտի դառնաս  
 իմ աշխարհի աստղերո՞ւն :

Այն ատեն, առաւօտի շողերուն հետ, պի-  
 տի բանամ դո՛ւռը պարտէզիս, պիտի համբու-  
 րեմ տժգոյն ֆակատդ մարմար եւ պիտի ըսեմ —  
 Ահա՛, ինչ որ կը տեսնես, ինչ որ կը լսես, ինչ  
 որ կզգաս՝ քոնն են բոլո՛րը, բոլո՛րը : Քո՛նն է  
 եւ իմ սիրտը :

Զէ՞ որ ես հարուստ եմ այսքան :

LXXXIII

Տիեզերքի ակերը բացա՛ծ են նորէն. անտառներն անշարժ՝ խորհուրդին մէջ փաթաթւած. եւ ծառախուճբեր՝ իրիկա ոսկի բագուկներու մէջ՝ բազկատարա՛ծ :

Ճամբաները նորէն վարդագոյն են եւ անհո՛ւն. բոսոր ամպերուն տակ թեւն արծաթէ թեւահարեց սլացա՛ւ. մարգագետնին վրա , լուսածագին պիտի ծագին , արցունքներ՝ նորէն :

Կը լսեմ , քայլերդ կանցնին եւ քանցանքդ կգգամ որ աչքերուս կը փութն ... Դո՛ւ որ սափորները պարպեցիր արարչութեան մէջ եւ հոգիս խառնեցիր արարչութեանդ նորէն :

Անշարժ , տժգոյն , մարմինս մոռցած բուներուն տակ սլացիկ՝ ծնրադրա՛ծ եմ համբուդ վրա որ անցնելու ատեն թեւերովս պարուրեմ եւ շփոթած ու արբած արցունքներս ծորին՝ ոտներուդ վրա Աստուծի :

LXXXIV

... անգ ճարտար սմբկոյան , Յարեա , եղբայրս  
... անգ ճարտար սմբկոյան , Յարեա , եղբայրս  
... անգ ճարտար սմբկոյան , Յարեա , եղբայրս

LXXXIV

Հայր , երբ հրամայեց Տիեզերքը բռն մէջ ,  
եւ երբ հրամայեցիր իմ սափորին , ընդունելու  
թեւաւոր ոգին ,

Հայր , երբ առաջին կանչիս հետ աչքերս  
բացի աշխարհին՝ դեռ թեւաւոր ոգին կը սա-  
ւառնէր իմ խորը , տիեզերքին մէջ :

Եւ գեղեցիկ էր , հայր , դէմքդ որ ծանօթ  
էր արդէն , եւ քաղցր էին ստիճանները մայրա-  
կան ուր կը դիմէին իմ շուրթերն անհունօրէն  
գիտակից :

Եւ գեղեցիկ էր լո՛յսը որ կը ծաւալէր իմ  
նախկին հայրենիքներէն , գեղեցիկ էր կանաչը  
հողին վրա , գեղեցիկ էր ժպիտը , արցունքը ,  
գիշերը աշխարհին վրա :

Ինչո՞ւ համար , օրէ օր , ինկան տերեւները  
թեւերուս : Մշտական ու հիացական իրերուն՝  
ժամէ ժամ , գերի՛ է հոգիս : Կաւէ ամանդ պիտի  
յաղթանակե՞ իմ էութեան մէջ , հա՛յր :

LXXXV

... անգ ճարտար սմբկոյան , Յարեա , եղբայրս  
... անգ ճարտար սմբկոյան , Յարեա , եղբայրս  
... անգ ճարտար սմբկոյան , Յարեա , եղբայրս

զգանձեցան թաղանթ , որ ինչ // զանձան ինչն  
'Յաղագից թաղանթայն ու զանձան : ուստի ինչ  
ժամայն թաղանթ : զանձան ինչն : զանձան ինչն  
: զանձան , զան թաղանթայն ինչն : զանձան

LXXXV

Եթէ պիտի մեկնէիր եւ այդքան արագ ,  
ինչն՝ կոչեցիր ուրեմն տեւականացումը մշտա-  
փոփոխ ձեւիդ . ինչն՝ քափեցիր երազը Երա-  
զանքի բաժակէն :

Անհամբերութեան ծարա՛ւն ունիմ , եւ ոգին  
դեռ թեւաւո՛ր է վանդակին մէջ աւազէ . շու-  
տա՛վ , շուտով պիտի փախչիմ մտոդ :

Եւ հայրական ձեռները որ պահեցին այս-  
տեղ , իմ թարթիչներուն վրա , կապոյտ ֆողերը  
խորհուրդին՝

Պիտի բանան յաւերժական լռութեան դէմ ,  
յաւերժական լռութեան մէջ :

LXXXVI

117222.1

Օտար երկրի մէջ սրինգ մը պատրաստած  
են ինձ համար : Պատրաստած են ինձ համար  
մի սրինգ անգին եւ ոսկէ մարմնին վրա հիւսեր  
են , ծակտիւֆներ անեգերֆ :

Անձանօթ երկրի մէջ սրինգ մը պատրաս-  
տած են ինձ համար : Ու երազի մէջ , երբ հրե-  
ղէն մարմինն առնեմ մատերուս մէջ՝ հոգիս կը  
հալի եւ լեզուակներէն կը ծորի՝ հնչիւններն յա-  
ւիտենական :

Հեռաւոր երկրի մէջ սրինգ մը պատրաս-  
տած են ինձ համար : Բայց ճամբա չկա՛ այն  
երկրէն այս երկիրը տանող : Եւ չպիտի կարե-  
նամ նւիրել ձեզ , իր յաւերժական հնչիւննե-  
րէն ո՛չ մի երգ , ո՛չ մի երգ :

IVXXXI

LXXXVII

Անոնք որ իմ հոգին կը կրեն՝  
պէտք է շուտ մեկնին:

Մանուկ , որ կանցնիս նամբաէն գլխահակ ,  
ի՞նչ կըսէ Երազը քեզի :

— Ես չը գիտեմ ինչպէս եւ ո՛ր սկսաւ նամբան . ես չը գիտեմ ինչպէս , ո՛ր կը վերջանա նամբան : Ահա արեգակը ծագած է ու աստղերն ընկղմած : Կապոյտ շղարշն անծիր կը ծածկէ հեռուն : Ոսկէ անձրեւը կանձրեւէ հովիտին մէջ , լեռներուն շուրջ , դաշտերուն վրա ու արբա՛ծ են , արբա՛ծ , բոլո՛րը : Թռչնիկը ծալեց թեւերը՝ երգը հնչե՛ց . աղբիւրը , ժայռերուն տակ , հին հէֆեաթը կըսկսի : Սրտերը բացւա՛ծ են ու արբած , արբած ծաղիկնե՛ր , կանաչնե՛ր , լեռնե՛ր , ե՛ս , արբա՛ծ , արբա՛ծ ...

Մանկիկ , Երգերը ի՞նչ կըսեն քեզի :

— Հեռուի արցունքներ կախած են կուրծքիս տակ : Երգերը տխուր են : Երբ մտիկ կընեմ թռչնիկին՝ թեւերը կը թռչին , ամպերը կը փախչի՛ն սահելով : Երբ մտիկ կընեմ սինազարդ կամարներուն տակ , կը լսեմ մրմունջը փախչողներուն , հառաչանքը թռչողներուն : Տխուր են Երգերը երկնքին տակ , տխուր են Երգերը մարմարէ կամարներուն շուրջ : Երգերը կըսեն ինձ շո՛ւտ , շո՛ւտ , քաղէ՛ ծաղիկները , վերցո՛ւր բաժակները , բաժակներէն արբեցի՛ր , շո՛ւտ , շո՛ւտ ...

Մանուկ , իմ քննուշ սրտիկ , ի՞նչ կըսէ Մահը քեզի :

— Օ՛ կապոյտին գանգակները կը հնչեն անդադար ականջիս : Սրտիս մէջ կայրի կարօտը : Ու ներմակ նամբաներու վրա , անհունի ծաղիկներով եզերուն — հատեցները կըսպասեն ինձ : Այնպէս յոգնա՛ծ եմ հիմա , այնքան մո՛ւր է շուրջը , քարթիչներս կը ծալի՛ն : Ու ներմակ նամբաներուն վրա արեւները կը ծաղկին անդադար , կը բացւին ինձ գրկերը ծարաւի , բազուկները կը պարզւին ու արցունքները ... Օ՛ կապոյտին գանգե՛րը , որ կը հնչեն , ականջիս , անդադա՛ր , անդադա՛ր ...





//

ՀԱՅԿԱՍՏԱՆԻ  
ԿՈՒԼԿԱՍ  
ԳՐԱԴԱՐԱՆ  
ԵՐԵՎԱՆ  
1916

ԳՐԱԾ ԿՈՒԿԱՍ 1916 ԵՒ 1917 ԹԻՆՆ,  
ԲԱՑԻ ԵՐԿՑԱՍՆԵԱԿ ՄԸ ԵՐԳԵՐԷ ՈՐ ԳՐԱԾ  
ԵՆ ԱՌԵԼԻ ՈՒՇ ԵՐՈՐՄԱ:

ՀԱՅԱՍՏԱՆԻ ԳՐԱԴԱՐԱՆ  
ԵՎ ԳՐԱԳՐԱԿԱՆ ԿԵՆՏՐՈՆ  
ԵՐԵՎԱՆ

ՀՀ Ազգային գրադարան  
  
NL0331565

29030

Sp

204